

ذَارُ الْفُنُونِ

خبر فنی و ادبی و علمی و تاریخی و اقتصادی و اجتماعی و سیاسی و فرهنگی و هنری و ورزشی و تفریحی و ...

حقوق اقتصادیات

ابلی آبره بر سر اولنور

مراجعات

قسم حقوقی :

قضا صلاحیتک شخص و موقع اعتباریه تابع اولدینی تحدیدات [جمیل]
امور عدلیه ده مدعی عمومیلک وظائفی [رشید]
آلمان تشکیل محاکم و اصول محاکمه جزائیة قانونلرنده و محکمه تعمیرلری [وصفی راشد]

قسم اقتصادی :

بورسلر [فاضل]

وئاقه قسمی :

مجله انجمنک کتاب الاجاریه عائد تدقیقاتی [ختام]
تعديل قوانین قومیسئونلرینی تشکیل ایدن هیئتلرک اسمایی
واجبات قومیسئونی ضبطنامهلری
حقوق مؤسسہ سی تاریخی [ماردینی زاده ابوالملا]

امور عدلیه مدعی عمومیلرک وظائفی

تسریع محاکماتی تأمین مقصدیله تنظیم اولنان لایحه قانونیه، تشکیلات محاکم قانوننک ۶۵ الی ۷۳ نجی ماده لرینی حذف و الغا ایدرک مدعی عمومیلرک حقوق مسئله لرینه مداخله ایتما سی اساسنی قبول ایتمکده در . بومناسبتله امور عدلیه مدعی عمومیلرک وظائفنه متعلق معلومات نظریه ایله مطابقتی بیانی موافق بولیورز .

معلوم اولدییی اوزره ، « مدعی عمومیلر امور عدلیه ده حقوق عامه یی وقایه ایچون طرف سلطنت سنیه دن منصوب مأمورلردر . بونلرک وظیفه سی آسایش و حقوق عمومیه نك محافظه سی ایچون حکام قانونیه نك حس جریاننه دقت ایتمکدن عبارتدر . » [تشکیلات محاکم قانونی ماده : ۵۶] . تعیردیگرله افاده ایدرک دییه بیلیرکه مدعی عمومیلک ، امور عدلیه یی تمثیل ایتدک لری و امری التند بولندقلری قوه اجرائیه نامنه مراقبه و تفتیش ، و هیئت عمومیه یی علاقه دار ایدن حقوق و منافع محاکمه محافظه و مدافعه ایتک ایچون تأسیس و تشکیل ایدلمشدر .

مدعی عمومیلرک وظائفی باشلیجه ایکی نوعدر : بری حکومت اجرائیه نامنه ، جرائمی تحری و فاعل لرینی در دست ایله محکمه عاذه سنه تودیع و تعقیب و حق لرنده صادر اوله حق مجازات قانونیه یی انفاذ ایتدیرمکدن عبارت اولان وظائف جزائیله لریدرکه « جزا اصول محاکمه قانونیه معیندر . » تسریع محاکمات قانونیه وظائف مذکوره اولدییی کبی ، محافظه ایدلمشدر .

ایکنجی سی تشکیلات محاکم قانوننک مارالذکر ماده لريله معین اولوب تسریع محاکمات قانونیه الغا ایدی لان مواد حقوقیه عاذه وظیفه لریدرکه مقاله مزک اساسی موضوعی تشکیل ایده جکدر . مقاله مزده ، الیوم حکمی منفسخ اولان تشکیلات محاکم قانوننک بو خصوصه متعلق ماده لرینک نه شکلده تفسیر و تطبیقی لازم کلدیکی نه شکلده تعدیل و اتمام ایدلمسی ایجاب ایتدیکی مسائلی ایضاح ایله اشتغال ایدلیوب بالکنز اولبا بده کی اساسات عمومیه نك ایضاحی ایله اکتفا اولنه جقدور . تشکیلات محاکم قانونی وظائف جزائیله دن ماعدا مدعی عمومیلره ایکی درلو وظائف تحمیل ایتمش ایدی :

برنجیسی « احکام قانونیہ نک حس جریانہ دقت » یعنی امور عدلیہ بی ، محکمہ لری
دائمی بر صورتہ تفتیش و مراقبہ ایکجیسی محکمہ « حقوق عامہ بی وقایہ » و بومقصدلہ
عامہ نک علاقہ دار اولدینی قبول ایدیلان بعض دعوارلہ مداخلہ و حتی رأساً اقامہ دعوی .
مع مافیہ حد ذاتندہ یک متنوع اولان بو وظائف و شکل ایفاسی حقندہ قانونندہ صراحت کافیہ
اولامسی و اولیادہ کی افکار نظریہ نک برآز مجهول قلمسی حسیبلہ تطبیقاندہ وظائف مذکورہ
مدعی عمومیلر طرفندہ مطلوب و جملہ ایفایدیلہ میور ایدی . مدعی عمومیلرک حقوق دعوارلرینہ
مداخلہ سی یا لکتر مداخلہ نک ضروری اولدینی دعوارلرک ہر جلسہ سندہ کندیلرینک حاضر
بولہ رق حادثہ دہ ، عاقلاً حاکم صفتیلہ رأی ذاتیسی بیاندن عبارت قالیور ایدی . مدعی
عمومیلرک اولیادہ کی رأی و مطالعہ لری ایسہ عمومیتلہ انہای محاکمہ دہ طرفینک افاداتندن
اتخراج ارلندینی جہتلہ محکمہ لری قطعاً تنویر ایتمیور و ویریلہ جک حکملر دہ ہیسیج بر تائیری
مشہود اولمیوردی . بناء علیہ عملی اولہ رق بیوک برقیہ تی موجود دکل ایدی .

بوکا مقابل بعض احوالہ مدعی عمومی بولنہ مامسی ، و یاخود مدعی عمومینک
ہمان رأی بیان ایدہ میوب برای مطالعہ اوراقی طلب ایتمی محاکماتک بی لزوم تأخراتہ
سببیت ویردیک مشہود اولدیغندن لایحہ قانونیہ کندیلرینک حقوق ایشلرینہ مداخلہ سی
اساندن طی موافق کور مشدر .

§ نظری اولہ رق مدعی عمومیلرک وظائف حقوقیہ سی اوچ قسمہ تقسیم اولنہ بیلیر .

۱ — محاکمک تفتیش و مراقبہ سی .

۲ — امور عدلیہ عائد ایستانتیقلر تنظیمی ایلہ احکام قانونیہ نک نہ شکلہ تطبیق
اولدینی و تطبیقاندہ تظاہر ایدن نقصانلری ونہ شکلہ اتمام و تعدیل لازم کلدیک
خصوصندہ راپورلر تنظیمی .

۳ — عامہ نک علاقہ دار اولدینی و اخلاق و انضباط عمومی بی علاقہ دار ایدن دعوارلری
رأساً تعقیب و یاخود دعاوی مذکورہ دردست رؤیت اولدینی صورتہ مداخلہ .

مقالہ مزنی اوچ قسمہ تفریق ایلہ وظائف مذکورہ دن ہر برینک لزومی و مدعی
عمومیلرہ تودیع ایدلدیک صورتہ نہ شکلہ ایفا ایدیلہ بیلہ جکی مسئلہ لرینی تدقیق ایدہ لم :

امور عربلہ نک تفتیشی

§ عدالتک مطلوب و جملہ توزیعی تأمین ایدیلہ بیللمک ایچون ، یکدیگرینہ نظر آ مستقل

واوصاف مخصوصه به مالک ایکی صنف مأمورینک عدلیه ایشلرنده حائز صلاحیت اولمسی لازمدر . برنجی صنف مأمورین عدالتی توزیع ایله مکلف اولان حاکمدر . عمومیتله غرب حکومتلرنده ایدیلان تجربه لره قطعاً ثابت اولمشدرکه مملکتده افرادک حریت و مال و ناموسی تحت امنیتده بولمق ایچون محکمه لرک قوه اجرائیه و تشریعیه نك هر درلومداخلاتندن آزاده بولمقی شرطدر . بناءً علیه حاکم لک قوای مذکورہ طرفدن بلا قید و شرط عزلی و حق لرنده مجازات انضباطیه تطبیقی و ترفیع و ترقی ایتدیرلمسی و یا رؤیت ایتدکری دعوالرک انتاجی خصوصنده امر آلملری قطعاً جائز اوله من . ایکنجیسی قوه تشریعیه نك تحت نفوذنده بولنان قوه اجرائیه نامنه عدلیه یی ، محکمه لری مراقبه و تفتیش وظیفه سیله توظیف ایدیلان مأموریندر . بومأمورین قوه اجرائیه یی تمثیل ایتدکری جهتله آندن آله جقلری امر ایله مقید و حکومتجه تعقیب اولنان سیاسته کوره قابل عزل و تحویلدر . قوه عدلیه نك قوه اجرائیه و تشریعیه به نظرأ استقلالی و آنلرک مداخلاتندن هروجهله آزاده اولمسی اساسی ، وظیفه لرینک اهمیت فوق العاده سی اعتباریله محکمه لری ، حکومتک الک ذی نفوذ بر عضوی مقامنه اصعاد ایدر .

هیچ بر مراقبه هیچ بر مداخله به تابع اولیان قوه عدلیه نك قوت و قدرتی سوء استعمال ایدرک علی وجه الاستبداد حرکت ایتمی ملحوظدر .

ایشته بو محذوره چاره اولمق اوزره قوه عدلیه نك ده ، قوه اجرائیه نامنه حرکت ایدن مأمورین طرفندن بر شکل قانونیده مراقبه به تابع اولمسی ، منافع عمومیه نقطه نظرندن لازم و ضروری کورولمکده در . مونسکیو روح القوانین نام اثر مشهورنده دییورکه « حریت سیاسیة » آنجق اقتدار و قدرتک سوء استعمال ایدلامسی ایله تحقق ایدر . و فقط دائمی تجربه کوسترمکده درکه هرالنده قدرت اولان کیمسه آتی سوء استعماله میالدر . او بر مانعیه تصادف ایدنجهیه قدر کیدر . فضیلتک بیله حدی وارددر . سوء اعمال ایدلامسی ایچون قوتک قوتی توقیف ایتمی لازمدر . » [۰]

عدلیه نك مراقبه سی نتیجه سنده ، محکمه لرک سوء استعمال و خطا و تکسارلرینک میدان علنیته اخراجی تأمین اولنه رق منع تکراری ایچون ایجاب ایدن تدابیره تشبث اولنه بیلیر . سوء استعماللری ظاهره اخراج وظیفه سیله تعیین اولنان مأمورینک سوق رقابتله الک اهمیتسز

خطا لری آراسی ، میدانه چیقارمی چوق مختلدر . مشهور انکلیز فیلسوفی بتنامه کوره مراقب وضعیتده بوله حق مأمورین اولدینی صورتده عین تشکیلاته تابع اولان عدلیه حاکم لری ، دائما و مخصوصده یکدیگری حمایه و بربرینک خطا و سوء استعمال لری ستر ایدمک بر صنف مخصوص و حوده کتیر لر . بناء علیه محکمه لره ده ، حکومت اجراییه نامنه حرکت ایدن مأمورین طرفدن تفتیش و مراقبه احتیاجی قطعیدر . حتی بنام مطلوب نتیجه نک بحق استحصالی تأمین ایدیه بیلیمک ایچون مراقب مأمورینک حاکمک . سلیکنه و بالعکس حاکمک مراقبک مسلکته تحویل ایدیه بیلیمه نه دخی عاید در . فی الحقیقه بو صورتله نقل مأموریت تجویز اولور ایسه هر ایکی صنف مأمورینک وظیفه لرنده اختصاصی تأمین ایدیه مدکن قطع النظر ایکی صنف مأمورین یکدیگرندن تفریق ایدلماش اوله جغندن ینه آره لرنده حسن رقابت تأسیس ایدم و سوء استعمال لک ظاهره اخراجی تأمین اوله ضرر .

§ تشکیلات محاکم قانونی مدعی عمومیلرک نه شکلده « احکام قانونیه نک حسن جریانه دقت » ایله محکمه لری تفتیش ایدمک چکنی تعیین ایتدیکندن تطبیقاند مدعی عمومیلرک مهم اولان بو وظیفه لرینی بالکلیه اهل ایتملر ایدی .

بوکا مقابل ۱۲۹۵ تاریخده قورولان تشکیلات عدلیه یی ، صاوا پاشانک اولوقت سفارتلره واقع اولان تبلیغاتنده بیان ایتدیکی وجهله ، ابتدای تأسیسده آلیشدرمق ایچون ، مراقبه ایتک اوزره تشکیلات محاکم قانونیه تأسیس ایدلش اولان عدلیه مفتشکی بو وظیفه یی ممکن مرتبه ایفا ایتدی . بر آراق الغا ایدیلان بو مقام کوریلان لزوم اوزرینه یکیدن احداث اولندی و خصوصی بر تعلیماتنامه ایله وظیفه لری بر درجه توسیع اولندی . مفتشک تشکیلات محاکم قانوننک فصل نهاییسنده و اولباده کی تعلیماتنامه حدودی داخلنده وقوعبولان تفتیشلری پک چوق سوء استعمال لری میدانه اخراج ایتکنده و حاکمک هیچ اولماز ایسه ظامری سوء احوالدن اجتناب ایتلرینی موجب اولمقدردر . شوقدرکه بز ، مفتشک بویه پک محدود بر چارچوبه داخلنده وقوعبوله حق تفتیشلرینک تمامیه غیر کافی اولدینی قناعتده بز . مفتشک ، وظیفه تفتیشلرینی دهامشمر بر شکلده ایفا ایدم بیلملری ایچون الیوم فرانسه مدعی عمومیلرک حائر اولدق لری صلاحیتی تمامیه حائر اولملری لازمدر . دیگر طرفدن محاکم علی الدوام تفتیش و مراقبه به تابع طو تعلق لازم اولدیفندن هر دائره عدلیه ده دائمی بر مفتش بولمیلدر .

تفتیشک صورت جدیده اجرایی تأمین ایچون مفتشلر بروحه آنی صلاحیتی حائر اولمیدر :

۱ — واقع اوله جق اخبار اوزرینه و یا خود ایده جکلری شبهه مبنی رأساً آرزو ایتدکلری دعوالرده حاضر بولنه رق دعوانک نه شکلده تدقیق و حکم و قراره ربط اولندیغنی تحقیق .

۲ — حکومت اجراییه جه هر حالده تطبیقی تأمین ایدمک ایستیلان قانونلرک بر محکمه ده تطبیق ایدلمامسی و یا یا کلیش تفسیر اولنه رق تطبیقی ایله حکم صدور ی حالده ؛ محکوم علیهک مصارفه تحمل ایتمک ایسته مامسی و یا خود خصمندن قورقمسی ، صلح اولمسی کی بر سببله طرق قانونیه مراجعت ایتدیکی صورتده حکم واقعک ، سوء افعال تشکیل ایتامامسی و حکمی ریرن حاکم حقنده براخطار و تنبیه ماهیتده اولمسی ایچون نفماً للقانون نقضی طلب ایتمک .

۳ — استکرا الحکام ، رد حاکم ، نقل دعوی کی حاکم و محکمه لرک حالی موضوع بحث اولان دعاوی بهمه حال مفتشلرک نظر اطلاعنه عرض ایدمک لازمدر . فی الحقیقه حاکمک رشوت آلمسی احقاق حقندن استکفاف ایتمسی ادعاسی حالده مفتشلرک تدقیقات و تحقیقات مخصوصه اجرایی ضروریدر . دیگر طرفدن ، قرابت ، عداوت دنیویه کی بر سببله بر حاکمک دعواده حاضر بولنمامسی طلب اولندوقده : حاکمک اساساً اصلاً وارد اولمیان و قانوناً رد ایچون بر سبب تشکیل ایتیمان حالده بر حیثیت مسئلهسی یا بهرق وظیفه سی ایفادن قاچمسی و بو صورتله دیگر طرف عاینه اوله رق بلکه دعوانک محل مذکورده رؤیتی عذیم الامکان بر حاله کتیرمسی قابل اولدینی کی ، بک وارد اولان سبب ردی نظر دفته آلمقیزین دعوائی رؤیته دوام ایتمسی ده قابلدر . بر دعوانک شبهه یی داعی اسباب مقبولیه بناءً رؤیتی بر محل محکمه سنه نقلی استدعالی اوزرینه اتخاذ اولنه جق قرار دیگر طرفک صلاحیتدار اولمیان محکمه حضورنده تأخراته و مصارفاته قاتلانله رق دعوائی تعقیب ایتمسی استلزام ایده بیلیر . مفتشلرک احوال مذکورده بیطرف وضعیتلری اعتباریه سرد ایده جکلری رأی و مطالعه لریک قیمتداردو . بناءً علیه دعاوی مذکوردهک هر حالده مفتشه اخباری ایله مطالعه سنک استفساری لازمدر .

احوال مذکورده مفتشلرک دعوالره مداخله سی تجویر ایدلمکله برابر بوکون اولدینی کی هر جلسه ده بای حال کنیدیلرینک حاضر بولنمسی و مطالعه لری آلمدقجه دعوانک رؤیت

ایدیه مامسی، محاکمه سی ختام بولان دعوا دوسیه لرینک بر کرده برای مطالعه کندیلرینه
تودیه ایاه نتیجه قطعیه نك تأخیر استحصالی شایان جواز اوله ماز .
مفتش لک وظیفه قضیه سی اختیاری اولق ایجاب ایدر. آنلر محکمه دن دکل آنجق عدلیه
و کالتدن امر آلیرلر. شو حالده محکمه لر احوال مذ کوره به متعلق اولان و باخود مفتش لرجه
مداخله ایدیه چکی بیلدیریلن دعوا لرده اوراقل برر صورتی و یوم محاکمه یی کندیلرینه
تبلیع ایاه اکتفا ایتلی و مطالعه لری وار ایسه استماع ایتلیدرلر .

۲

عدلیه استانیستیقلر نك تنظیمی

§ قوه اجرائیه و تشریعیه نك امور عدلیه به متعلق تدابیری اتخاذ و ایجاب ایدن قوانینی
وضع و تعدیل ایدیه بیللمسی ایچون اول امرده احتیاجات عدلیه نك تثبیت و تعیین ایدلمسی لازمدر.
احتیاجات مذ کوره ایسه اسباب موجبیه مستنداً و اساسات علمییه توفیقاً تنظیم اولنلر حق
استانیستیقلر - ایه سنده تثبیت اولنه بیلیر . بزده استانیستیقلر رئیس محکمه طرفندن بالکمز
سنوی اقامه و انتاج و درست رؤیت اولان دعوا لک مقدارینی کوستر بر حدول ترتیبی
ایله تنظیم ایدلمکده در که تأمین مقصد ایچون غیر کافیدر . فی الحقیقه اول امرده مقداری
تعیین اولان دعوا لک نه ایچون تداخلده قالدیغنی تدقیق ایتلیدر که لدی الحاجه محکمه نك
عددی تزیید کبی اولباده ایجاب ایدن تدابیره تثبیت اولنه بیلسون ، بونک ایچون ایسه -
استانیستیقلری دعوا یی رؤیت ایدن و تداخلده ایش براقان محکمه هیئت نك دکل آکا نظراً
مستقل و بیطرف اولان بر مقامک تنظیم ایتلی لازمدر . دیگر طرفدن ارقامک، تثبیتدن
صکره اولکی سنه لره عائد استانیستیقلری مقایسه و تکاملی تعقیب ایاه احتیاجات محلییه
آکلایه بیللمک و بونک ایچون تدقیقات مقتضیه اجرا ایتکده لازمدر نهایت بر محکمه تمیزه
مأمور ایدیه جک و بولنه حق محکمه لک قانونی نه شکله تطبیق و تفسیر ایتدکلرینی پک یقیندن
تعقیب ایدیه جک بر مقام عالی طرفندن مملکت نك نه کبی قانونلره احتیاجی اولدیغنی نه شکله
تعدیل و تطبیق ایدلمسی شایان تمی اولدیغنی مبین سنوی راپورلر تنظیم ایتک لازم کللمکده در.
فرانسه ده عدلی استانیستیقلرک ترتیب و تنظیمی مدعی عمومیلره مودوعدر. وظائف
مذ کوره ، مدعی عمومیلره تودیع ایدلمدیکی حالده یا عدلیه مفتش لرینه تحمیل ایدلمک
و یاخود وظائف مذ کورینی ایضا ایچون مأمورین مخصوصه تشکیل ایتک لازمدر .

حقوق عمومی علیه عاقل دار ایدیه دعوا لک تعقیبی

§ منافع خصوصی لک علاقه دار اولدینی دعوا لک تعقیبی منحصرأ اشخاصه عاقل اولق ضروریدر. ایکی شخص آره سنده ولو که منافع عامه ملاحظاته مبنی شایان قبول اولیان بر مقاوله و معامله دخی موجود اولسه حکومتک عدلیه نک خود بخود مداخله ایدیه دک بو مثلاً و مقاولات و معاملاتی کائن لم یکن عدا بتدیر می تجویز ایدیه من. بالحاصله افرادک او یومق ایستد کیری عاقل مسئله لکینی حقوق عمومی و سبیله سبیله محکمه لده علناً موضوع بحث ایتک، استراحت افرادی، بالنتیجه استراحت عمومی بی اخلال ایدر. بناء علیه محکمه لک اساس اعتباریه یا لکز ادعا و مدفعه حدودی دائره سنده اختلاف واقعی حل ایتمی، منافع عمومی ایچون دها موافق اولور.

شو قدر که نفسی مدافعه دن بالکلیه عاجز اشخاص ثالثه نک حقوقی اخلال ایتسنه و یا خود غلبان افکاری ایجاب ایدیه دک درجه ده اخلاق و انضباط عمومی به تأثیر ایتسنه بناء کان لم یکن عد ایدلمسی ایجاب ایدن معاملات و افعال، قانونک منعه رغماً ایفا ایدیلیر ایسه محکمه لک علاقه دارانک حدود ادعا و مدافعه لری خارجنده دخی اولسه معاملات مذ کوره بی کان لم یکن عد ایتمی ضروریدر. فصل که بو کون جرم عد اولنان افعال و حرکاتک، علاقه دارانک مراجعتی اولسه دخی، جمعیت نامنه تعقیبی لازم کلیر ایسه بو کبی بعض ملاحظاته مبنی جرم عد اولنه میان فقط اورته ده قالمسی دخی قابل مسامحه کوروله میان قانونله تصریح ایدیه دک احوال مهمه ده جمعیت نامنه اجرای تعقیبات لازم کلکده در.

بو کبی احوالک تعقیبی نه احکام شرعیه ده تجویز ایدلیدی کبی رأساً محکمه لره و نه ده هر هانکی بر شخصه تودیع اولنه ماز. محکمه لک افعال مذ کوره بی رأساً تعقیب ایتلمری، بیطرفاق قاعده سی ایله قطعی بر تضاد تشکیل ایدر. حالک لک بیطرفلنی ایچون، ادعا ایله مدافعه دن خارج بولتمری لازم و ضروریدر.

حقوق مذ کوره نک تعقیبی افراد دن هر هانکی برینه تودیع ایدلمسی حالنده ایسه فردک کرک علاقه سزلق و کرک قورقو، افساد ایدلمسی کبی بر سبیله حقوق مذ کوره بی تعقیب ایتامسی و یا خود بو خصوصک ایدیز صابسر لرتده بر شانتاز و سبیله سی اولسی

اغلب احتمال اولور . بناءً عليه واضع قانونك اخلاق وانضباط عمومى نقطة نظرندن رأساً تعقيب ايديله بيله چكىنى تصريح ايدى چكى دعوالر ، جمعيت نامنه حركت ايدى و بالخاصه حقوق و منافع عموميه يى محافظه ايله توظيف قلمش اولان مأمورين مخصوصه طرفندن تعقيب ايدملك لازم كلكده در .

مثال قيلندن اولمق اوزره فرانسه ده قبول ايدلمش اولوب بزده ده رأساً تعقيبى شايان نمى اولان بعض حاللرى ذكر ايدلم :

۱ — يكدىكريله ازدواجلى ممنوع اولان اقربانك ويا -ن معين قانونى يى اكمال ايتيان طرفينك عقد نكاحلى اجرا ايدلمى كى نكاحك نكته قانوناً مانع قوى تلقى اولتان اسبابك موجوديتى حائده نكاحى فسخ و ابطال ايتدير مك . بو ايكنجى حالده هنوز حياتى آكلايه ميه حق برسنده اولوب ابوينك ارزوسنى تطيناً نكاح عقدايدى و رضالرينك مؤثر اولماسى قبول ايدلمش اولان محجورلر حايه ايدلمش و برنجى حالده ايسه بالخاصه ازدواج محصولى اوله حق چوجقك بين الناس الم بروضعيتده قالماسى تأمين ايدلمش اولور . كذلك بر كيمسنىك تحت نكاحده بولوب زوجى موقتاً غائب بولنان قادينك ديكر بيله عقد نكاحى حائده اخلاق عمومينك محافظه سى ضمنتده نكاحك فسخى ضرورى قالمقده در .

۲ — زوجين آرمسندى طلاق دعواسى در دست رؤيت اولدينى حالده ، حكومت اجرائيه مأمورى بالمداخله چوجقك كيمه توديع و تسليم ايدلمسى لازم كله چكى خصوصنده مطالبانده بولنه بيلميدر . فى الحقيقه طلاق حائده ، بعضاً احد زوجين چوجنى برواسطه انتفاع اوله رق محافظه يى تأمل ايدى بيليرلر . چوجق طلاقك اسبابنه نظراً زوجيندن شايان اعتماد اولانه تسليم اولتميدر ويا هر ايكنسنىك قصورى بومناسبتله تظاهر ايدوب چوجقك تربيه و تحصيلى نقطه نظرندن بريد اجنبى يه توديعى مناسب ايسه اكا توديع ايدلميدر . بوده بالطبع چوجقك منافى نقطه نظرندن ضرورى كورولمكده در . حاكمك تحقيقات خارجيه اجرا ايدى مامسى و بيطرفلى ، حدود ادعا و مدافعه يى تجاوز ايدى مامسى بو خصوصده مأمورين اجرائيه نك مداخله سى استلزام ايتمكده در .

۳ — نون وابله اولان اشخاصك ، زوج ويا زوجمى ويا معلوم اقرباسى اولدينى صورتده قوه اجرائيه نامنه كنديلرينك حجرى طلب اوله رق اموالى محافظه ايدلميدر . فى الحقيقه كيمسنىز عاجزلى هر خصوصده حمايه ايتك جمعيت مترتب جله وظايفنددر .

فرانسه ده بو حالده اشخاص مذبوریه مدعی عمومیلر حجرایتدیره بیلدکاری کی صالدریحی دلیلرک تیمارخانه یه وضعی ایله اقرباسی موجود اولسه بیله اکر طرفلرندن طلب واقع اولمامش ایسه حجرینی طلب ایده بیلرلر .

۴ — جائز اولمیان احوالده ، ویا حیلہ کارانه برصورتله استحصال ویا یا کلیش بیانانه مستنداً اعطا اولنان اختراع براتلرینی کائن لم یکن عدایتدیرمک اوزره مدعی عمومیلرک رأساً اقامه دعوا صلاحیتلری واردر . فی الحقیقه جمعیتک اختراع براتی اعطا ایده رک ، بر مخترعه اختراع ایتدیکی خصوصیدن علی وجه الامتیاز استفاده بخش ایتیمی کندیسنک اسرار صنعتنه عمومک قطعی اوله رق واقف اولسنی تأمین یچوندور . یا کلیش بیانات ویا کتم ایله اسرار صنعتی بیلدیرمیان مخترع کندی کندی حمایه ایتمک مجبوریتده در . فقط بر کره تسلیم ایدلمش اولان براتی حکومت اجرائیه نیک رأساً ابطال ایتیمی ده منفعت عمومیه ایله شایان تجویز کورولمیکندن عموم ناهمه مدعی عمومیلر طرفندن سبق ایده جک ادعا اوزرینه محکمه لرحه تحت قراره آلتق ضرورتی موجوددر . دیگر طرفدن ، واضع قانون بعض ملاحظاته بنا بعض احوالده اختراع براتی ویریه میه جکنی تصریح ایتمکده در . بو کی خصوصانده یا کلیشقله براتک ویرلمسی ، دیگرلرینک عین خصوص ایله متوغل اولسنه مانع تشکیل ایده بیله جکندن مملکتک تأمین استیفاسی ایچون او براتک اورتدن قالدیرلمسی لازم کلمکده در .

§ کرک اشبو تعداد اولنان خصوصانده ، قانونه قارشو حیلہ کارانه بر مواضعه اجرا ایدیله مامسنی و کرک حکومت عدلیه ویا اجرائیه یی علاقه دار ایده بیلان دعوالرده حکومتک خصوصات مذکوریه واقف اولسنی ونقطه نظرینک ایضاح ایدیله بیللمسنی تأمین ضمتنده ، طرفین آره سند در دست روایت اولوب خصوصات مذکوره ایله علاقه دار اولان دعوالرکده مدعی عمومیلره تبلیغی ضروری کورلمکده در .

اصول محاکمات حقوقیه مدرسی

رئیس